

江陰縣志

卷七至卷十

六冊

地220.168
39
部=16

江陰縣志卷之七

秩祀

春祈秋報民和而神降之福凡忠孝節烈及死王事而捍大災患者皆合祭法例得備列兵燹後雖壇壝傾圮而祀事罔間邇年廟祠以次丹堊守土者所宜稽典禮率儀章以冀年穀順成災沴不作豈僅在俎豆之馨香乎志秩祀

壇壝

社稷壇在澄江門外一里宋軍社壇稷壇同在觀風門外縣社壇在天慶門內元因軍社明洪武三年知縣吳志

江陰縣志

卷七

秩祀

壇壝

一

遠徙今地初爲二壇八年合爲一壇正德九年重建

國朝因之歲以春秋仲月上戊日爲民祈報用羊二豕二帛

二代鹿羊一兔二其地東西五十三丈南北三十二丈

壇北向高一尺四寸四分縱廣一丈五尺四陞各三級

繚以周垣爲四門自北門入石主一高二尺五寸方一

尺一寸形如鐘剡上而培其下於土中木主二高二尺

二寸方四寸五分一書縣社之神一書縣稷之神藏附

近廟宇潔淨處祭時安設壇上

舊志載牆西有齋房神廚宰牲房久廢

正十年重修乾隆四年知縣蔡澍增高圍牆蓋陶瓦立扉戶隙地遍栽松柏歲久盡廢道光十九年署縣陳延



恩捐廉修築如制

神祇壇在天慶門外西南一里明洪武三年知縣吳志遠建初亦二壇八年併為一以城隍神合祭縣丞賀子徽修正德九年重建

國朝因之歲以春秋仲月諏吉致祭

乾隆二十二年奉文用與社稷壇同日致祭

羊三豕三帛七代鹿羊一兔三其地東西五十二丈五

尺南北三十五丈壇南向制與社稷壇同為四門出南

入

前志載舊有神廚齋房宰牲房俱久廢

木主三一書雲雨風雷之神居

中

前志稱風雲雷雨今照會典更正

一書本縣境內山川之神居左一

書本縣城隍之神居右乾隆元年知縣蔡澍修築增高

江陰縣志

卷七

秩祀

壇壝

二

圍牆歲久盡廢道光十九年署縣陳延恩捐廉重建

先農壇在春暉門外一里雍正四年奉

旨各府州縣於該地方擇潔淨豐腴地照九卿所耕藉田四畝九

分之數設立先農壇於雍正五年為始每歲仲春吉亥致祭用

羊豕各一帛一劔一簠簋各二籩豆各四知縣祁文瀚

於東外雙牌二保買田五畝八分以四畝九分為藉田

餘作壇基五年奉頒壇制署縣張經遵式築建周圍築

土為牆門南向壇高二尺一寸廣二丈五尺木主書先

農之神主式高二尺二寸闊四寸五分厚九分座高四

寸五分闊八寸五分厚四寸五分壇後正房三間中奉

神牌左貯祭器農具右藏藉田瑞穀配房二間辦祭品於東居佃農於西壇前為藉田屆期巳時致祭午時耕藉前期致齋二日乾隆八年奉文每年孟夏諏吉行常雩禮社稷神位居中先農居左山川居右詣壇將事雍正十一年奉文蜡祭亦於先農壇行禮乾隆十年停止道光十九年署縣陳延恩以壇屋圯廢捐廉重建并購雙牌三保景字七百七十一號田七分四釐五毫七百七十八號田五分七釐八毫捐祠充費以給佃農咸豐十年房屋俱燬

邑厲壇在澄江門外一里與社稷壇連牆並列明洪武三年知縣吳志遠建天順二年修宏治七年復修

江陰縣志

卷七

秩祀

壇壝

三

國朝因之其地東西十九丈南北二十七丈繚以周垣門南向正中設壇歲以清明七月望十月朔祭邑中無祀鬼神用羊一豕一前期三日守土官具牒告城隍之神屆期迎神臨壇主祭壇久圯廢道光十九年署縣陳延恩捐廉重建

重修社壇記

宋知軍 陳 研

郡守古諸侯也有民人社稷則當知所重而不可忽蓋天子社壝方五丈取諸土數諸侯則半之社東而稷西俱以北面為尊祭之日三獻皆南嚮於北墉下答陰之義也又必周以垣牆外闢正門植木以表其處為主以象其神風師雨師皆附於社本倣唐制然風師箕也壇宜列於東雨師畢也與雷師同壇則宜列於西其所從來亦遠矣江陰社稷之壝在軍之西南地平且正真土穀之神所依焉者而歲久荒圯頽垣斷塹樵牧所易門

顧南入殊乖面執之宜舍事頗遠於壇儻疊洗列於前
榮則進不便於登陟故每祭則往往旋幄籩簠以列獻
次其壇校以古尺不及土數之半而又輒暨斷闕法所
當修春秋祈報研屢嘗惕焉內動其心以為怠忽若此
奉牲以告神其吐之乎水旱相仍未必不由於此久欲
改作而軍帑空匱以故未暇由是節費銖累度能辦此
遂擇穀且稍展其墳以從古制而陶甄易之一新立石
壇上以爲其主徒屋稍南壯其規模以便祭事牆仍重
整門改北嚮而爲路於東垣之外西轉順入焚幣有所
待贊有室復取土之所宜環植以松興工於紹熙辛亥
正月己未粵二月甲申用成土木工匠之費一毫無擾
於民是歲春秋躬率僚吏有事於此四顧山川頓若改
觀神其顧歆而庶無旱乾水溢之歎乎研解印伊邇幸
於是舉僅克有成以不失所重深欲後人知研欲作之
意故命僉幕
述以爲記

重建社稷神祇邑厲三壇記

國朝署 縣 陳延恩

國家祀典歲以春秋仲月祭社稷暨雲雨風雷山川城隍之神以清明節七月望十月朔祭邑中無祀鬼神皆有壇

江陰縣志

卷七

秩祀 壇壝

四

江陰社稷壇在澄江門外北一里神祇壇在天慶門外西南一里邑厲壇與社稷壇連牆並列樵牧有禁繕治以時非守土之責歟延恩初攝縣事躬詣致祭見三壇皆傾圮無存深懼年不順成民有災眚神或怨恫也爰亟捐廉飭董事張世承及其子錫齡鳩工庀材悉遵舊制次第功竣謹彙志重建年月如右以誌後之爲民祈福者焉

重修先農壇記

署縣 陳延恩

延恩於道光戊戌春攝知江陰縣事甫下車力除壅蔽求通民情父老走相告曰邑有先農壇在春暉門外一里年久圮廢無以肅明禮我侯莅止百廢具舉敢告延恩謂獮祭魚豺祭獸蠶茲微物猶知報本矧祭以報畜食爲民天重農所以知艱耕藉所以教孝忝膺守土敢視其廢而不舉歟爰歷近郊求索故地見壇址隱約在荒榛斷棘中舊宇寸椽片瓦無有存者蓋壇建自雍正五年惟乾隆初稍稍修葺距今倏將百年矣亟捐廉鳩工經始於三月八日重建門一繚以周垣中築壇一壇後建殿三間中奉神牌左貯祭器農具右藏藉田瑞穀

東西建配房二間為治祭品居佃農之所踰三旬工竣壇之高廣一如舊制復念佃農守護壇宇承種藉田輪租所餘不敷養贍為增置景字號禾田一畝三分零聽其耕種納賦外悉與之往歲斯邑屢困偏災是秋幸登上稔父老歡欣謂蒙神貺如響斯應延思重念凡教養斯民冀有以感通之者莫不當然愧未之能也經理董事張世承其子錫齡請為文記之因誌神貺且勵職守焉

里社鄉社明洪武八年命耆老歲以春秋仲月用羊一豕一各祭其五土五穀之神今於仲春二日致祭

廟

關帝廟在布政坊巷右明初江陰侯吳良改元代澄江書院建初為道院殿三間宣德中易院為廟嘉靖間重修明末邑被兵公私廬舍俱燬而廟獨存

江陰縣志

卷七

秩祀

廟

五

國朝康熙十八年總兵劉選勝修之二十五年總兵林本直

遊擊袁尙齡海防同知孫詒謀知縣劉光夔率屬重修

構頭門儀門各三間中砌甬道達於南街五十年海防

同知王琦改建儀門為樓雍正三年追封三代並列祀

典五年定前後殿祭品器數卽後樓為祀先殿乾隆五

年知縣蔡澍增建朝房殿角樓各二間兩廊各七間五

十三年學使沈初知縣牛兆奎增建後殿三間於後樓

之東歲以春秋二仲諷吉及五月十三日致祭咸豐十

年廟燬克復後就公所致祭前歲修費計管業沙田八十七畝有奇

重修武廟記

國朝知縣蔡澍

予來宰江邑之明年改建明倫堂工甫竣見武廟舊制
湫隘兼之歷久不葺思擴而新之協謀於同城文武諸
君子及紳士耆商之好義者而督理營謀則守戎劉君
毅然任以爲己責乃劇金鳩工刻日興作漫漶者敬之
狹隘者拓之高費峻棟赤白綺煇其東西隙向爲營塵
所侵釐正舊址增創廊廡十餘楹環以朱檻繚以粉垣
更延畫工圖史冊所豔稱者淋漓壁間風馬雲車靈氣
倘恍以次及大門戲樓及殿角諸小樓煥然改觀計武
廟工竣距余修明倫堂時相去纔數月耳

重修關聖廟記

國朝學政沈初

本朝

江陰之有帝廟實昉於江國公吳襄烈建崇凝院於布
政坊右以虔奉金容
康熙三十五年水師總兵官林木直等率屬修建繼是
屢有增葺欽惟
帝勅建專祠追封三代公爵並列祀典
帝聖武遠揚深維百神懷柔擁護之義屢加帝封號爲
忠義神武靈佑關聖大帝祀事與文廟相埒江陰爲古
巖邑曩時曾宿重兵代有名將國家一戎大定之後綢

世宗憲皇帝
今上皇帝

江陰縣志

卷七

秩祀 廟

六

皇祚

繆鞏固水陸營並駐江城百數十年來解甲戡戈父老
扶杖觀化然聽鼓鞞則思將帥之臣聞風徽則動頑懦
之慕凡其仰帝之廟迥而肅帝之禮祀者其敢忽諸歲
在戊申邑之官紳士商民兵謀新帝之廟廷踴躍輸將
自五月興工七越月而告竣玉宇嵯峨金鋪嚴翼榜題
照耀丹碧熒煌於萬斯年佑我
所謂雲雨不崇朝而徧水泉不擇地而湧蓋志氣清明神
功妙應鼓舞萬物道在乎此敬泚筆而爲之記

文昌廟在春暉門朝陽關外嘉慶六年奉

旨列入祀典

一切儀制一視關帝廟知縣單灑卽舊廟修建正殿

三間前爲儀門東西爲文武官齊集之處後供帝君先

代神位每歲仲春三日誕辰仲秋諏吉致祭朔望就儒

學尊經閣下設位行禮咸豐十年廟燬克復後就公所

設位致祭

前歲修費計管業漕田二十畝
有奇沙田七百十一畝有奇

城隍廟在大街明洪武初江陰侯吳良卽古演教寺改建
正德五年修嘉靖元年災六年知縣張集鼎建

國朝順治間寢樓燬復建雍正初兩廡圯道會司陶重源募
修十年署縣蕭廷瑞奉文修理乾隆元年工竣廟南向
前環河橋跨其上傍樓爲鼓亭二入內爲頭門東爲土
地祠西通愍忠祠進爲儀門上有樓中爲正殿東西廡
各十數楹殿後爲寢爲妝樓殿之西爲宿齋所道侶居
者前曰東隱山房後曰天一山房三十六年知縣願信
重修四十六年竣事迄今歲事修飾崇闕煥絢爲一邑
壯麗所每歲春秋二仲合祭於神祇壇朔望誕辰祈告

江陰縣志

卷七 秩祀 廟

七

詣廟行禮兵燹後殿宇殘破今次第興修

重修城隍廟記

國朝知縣 蔡澍

自畿甸至郡邑咸廟祀城隍神春秋報享秩視山川社稷由來尚矣江邑城隍神廟洪武初邑侯吳良以演教寺改建嘉靖間燬於火邑令彭城張君鼎新之迄今二百餘年矣門廡殿寢日就頽圯曩雖屢經葺治未有能大興作也

世宗御宇之十年

詔帑修理城隍神祠時蕭君廷瑞攝縣事屬六曹吏告之曰茲固吾吏民事也敢上糜少府錢若曹蓋圖之吏承命募修越數年未竟厥功乙卯冬予承乏茲邑趨詣祠下周環覽視因慨然歎大役之難於圖終也亟諭董事人力爲之勸由是輸者益奮又越二年工始落成增設鼓亭神庫各二寢門一餘俱易朽腐爲堅固擴卑隘而崇閱視前制有加焉謀始於雍正壬子九月告成於乾隆丁巳七月邑父老請余誌其事予惟江陰僻處東南地瀕江海生齒之繁不下數十萬戶考之前代亦屢多故矣

國朝來波恬境謐四氣叶調百穀成茂民生其間享
朝廷休養生息之德澤至優且渥也抑亦
聖人在上百神從令則保障斯邑者效靈贊化於
天子以左右羣黎其功良不誣矣春秋報享之地固宜亟為繕修

明詔乎是

以答神貺矧重之以
役也褒貲二千餘金而民不以為費役工萬餘而民不
以為勞民之敬事吾神如此而神之所以嘉惠於
民者又豈有涯哉予因撫其本末以垂之不朽云

呂祖廟嘉慶十一年奉文每歲春秋二仲諏吉致祭向在
琪琳菴二十一年改就廣福寺之公善堂咸豐十年廟
燬今移建愍忠祠西

天后廟舊名天妃宮在黃田港浮橋西康熙四十三年建
乾隆五十四年紳士趙時煦等呈請詳入祀典咸豐十
年廟燬今重建

江陰縣志 卷七 秩祀 廟

睢陽廟在大街虹橋西明宏治九年知縣黃傳毀五通像
遷廣福寺門廡神像奉祀其中舊廟止三間北向

國朝乾隆十二年知縣劉新翰改建南向儀門三間大殿三
間後樓上下各三間旁列南雷二公像鐵鑄賀蘭進明
跪階下觀者必箠擊之今僅存半體道光十七年修咸
豐十年廟燬今次第重建

睢陽廟記

明邑人張簡

睢陽之在江陰舊未有專祠祀之者於報功崇德之典
大弗克稱宏治丙辰蘭谿黃侯傅尹縣之四年鏡意崇
正於諸淫祠邪祀及廟貌之不經者悉釐正燔奪而於
功德及民之賢哲貞烈則必表章以祀蓋古聖王制祭
祀意也乃於是年之冬仲甘有一日撤市西廟祀遷有
唐睢陽守臣御史中丞張公而祀之廟貌既專有嚴有

翼始稱崇報惟公之守睢陽以疲卒數萬嬰孤墉抗方張之虜鯁其喉牙俾不得搏食東南牽制首尾賊遂潰於梁宋之地大小數百戰雖力盡乃死而唐全得江淮財用以濟中興江南諸郡亦偃然賴以安堵公之功真可謂死事定國者矣愚考頃歲辛未壬申間悍賊構亂於河北流劫山東諸郡縣我皇上命將董師出擊賊賊奔潰鼠竄越徐邳守者弗能禦乃突過河據太和官軍攻城戰弗利賊遂入河南境脅掠動數萬河南大窘天子震怒調發各鎮兵馬誅斬始定其間戕戮人生膏血草野殆以數十萬計慘不可言向使有公一人督軍截下邳賊豈至是哉以此况彼引喻利害雖顛祠祇祀千萬世可也稽諸祀典於義為大彼歲時札瘥邦人咸禱罔不應茲豈細故哉公在唐贈揚州大都督國朝贈如之外有東平忠靖之號蓋後人崇奉私祝之意云

火神廟在花園巷舊屬紫金菴後改今廟雍正十三年奉文於六月二十三日致祭咸豐十年廟燬今重建

劉猛將軍廟在南外駐節亭右雍正三年知縣祁文瀚奉

江陰縣志 卷七 秩祀 廟 九

文建神姓劉諱錡宋提舉江州太平興國定淮南江東

浙西制置使陰驅蝗蝻以除民害景定四年封揚威侯

天曹猛將之神歲以正月十三日神誕致祭及冬至後

第三戊日報享 葫橋花山蕭岐雙牌三官諸處有行道宮今雲亭青陽顧山沙洲肖像祀之

光十七年巡撫陳鑾奏請

御書福佑康年四字匾額十八年署縣陳延恩摹泐恭懸咸豐

十年廟燬邑人集資重建 以上各廟官為致祭序列於前其非官祭而廟食民間者

後列

東嶽廟在君山西麓吳赤烏年建明洪武初江陰侯吳良

重修前有龍飛駐蹕坊以太祖嘗登此也其在顧山者

里民鄒善長建成豐十年廟俱燬今在君山者重建
真武廟一在君山巔一在周橋東宋元祐間建名佑聖道
院一在祝塘相傳吳赤烏年建一在前周名上聖堂一
在橫河南朱家橋東名驅邪道院一在青陽南街名元
帝廟咸豐十年俱燬

東平廟一在廣福寺一在忠孝古里其在廣福寺者向崇
奉於寺之山門嘉慶三年移於寺之東道光六年署縣
王澐倡捐購買民房重建頭門并於殿之東建屋三間
爲都天王殿咸豐十年廟燬今重建正殿三間

龍王廟在由里山宋天聖元年知軍范宗古建紹興十一
江陰縣志 卷七 秩祀 廟 十
年知軍富元衡重建明天順三年大旱知縣周斌躡遺
墟得宋故碑而祝之龍見煙雲之表頃焉大雨如注明
年水患禱之立晴因鼎新廟貌刻龍王木像五早則鼓
吹儀仗導迎入邑雨則送像入廟

國朝嘉慶十二年旱學使莫晉步禱至廟齋宿十日亦得感
應陳志載夏港利港及北外東嶽殿側亦有龍王廟兵
燹俱燬現今丁墅鎮三保及壽興沙之福善鎮俱建
龍王廟

由里山龍王堂記

宋縣尉 陳珪

聖宋乾興初祀皇上繼照之始命太學博士范公宗古
出治澄江越明年甲子自仲春不雨至於五月稼焦南
畝雲密西郊磬磬居民未遑啟處公焚禱禳禱逮於旬
日絕無靈貺遂訪耆舊云由里山白龍洞往俗相傳旱

則請禱公乃令珪亟往除道先日告期是月十有三日齋潔中夜而往未曙至止陳祝祭於山隈之舊壇既畢率僚屬耆艾躬陟山巔加焚奠於洞戶之上泊乎茜旆回旋油雲紛郁是夕雷電大震霈然達曙淡洽千里翌日龍見於西南隅蜿蜒層霄曳尾如練羣黎仰止悚駭神異自是祁祁之勢經旬未歇芄芄之苗卒歲有望逮乎澄霽公恪薦牲牲觀稼而歸乃謂僚吏曰非建祠未足答神之休爰卜舊壇之址構爲新堂甌甃塗墍精潔嚴肅夫民者神之祭主神者民之依護來者觀之勿謂我怪於事而佞於神將欲教斯民虞水旱而禱豐穰也

江神廟在平凝沙殷明圩明天啟五年僧不二建

金龍四大王廟在北門外永定壩乾隆三年建瀕河爲樓北俯定波橋神姓謝行四諱緒隱居錢塘金龍山見時事不可爲矢志殉國聞元將追帝厓山陸秀夫負帝沈海乃憤激作絕命詩投水死立急湍中經旬不仆鄉里

江陰縣志

卷七

秩祀 廟

七

異之明祖興與元師戰神於空中助之捷聞勅封金龍四大王賜祠祭自明入

國朝屢拯民災舟行遇險有禱輒應咸豐十年廟燬

藥王廟在大街文亨橋東祀伏羲神農黃帝以歷代名醫配元延祐間建設醫學官以典其祀明知縣黃傳以爲僭而毀之

國朝康熙二十二年知縣沈清世復祀今廢

夏王廟在夏港口東百餘步前志謂港爲禹王所疏故鄉人廟祀之燹後重建

伍相廟在申港口距江二里許祀周時吳相伍員

晏公廟在申港口祀水神平浪侯

烈帝廟在前周鎮祀隋司徒陳公杲仁公武進人南唐封

烈帝宋賜額忠佑咸豐十年廟燬今重建

莫大王廟在長壽鎮莫城南唐有江淮時此為邊境莫寵

邊臣也死矢石間血食於此

周孝子廟在顧山西北孝子名容居唐墅南其系譜在莫

城周氏宋治水利御史姜源有詩跋後今城中涌塔巷

亦奉神像

馬王廟舊在城隍廟西今移建火神廟旁為城守營官兵

歲祀之所其在中街節孝祠東者水師營建成豐十年

江陰縣志

卷七

秩祀 廟

俱燬

城守營移建馬王廟記

國朝署 縣 陳延恩

詩云吉日維戊既伯既禱毛傳伯馬祖也重物慎微將
用馬力必先為之禱其祖孔穎達疏曰馬國之大用王
者重之故夏官校人春祭馬祖夏祭先牧秋祭馬社冬
祭馬步注云馬祖天駟先牧始養馬者馬社始乘馬者
馬步神為災害馬者既四時各有所祭馬祖祭之春其
常也用力馬力則又禱之後世本此營驛皆立馬王廟焉
而營為尤重封號於何時無可詳考而周制原蠶有
禁馬與蠶同祖天駟其說固無可易者也江陰馬王廟
舊在邑城隍廟西即前明延陵書院故址始為城守與
水師合繼則水師別建遂獨為城守營將士春秋奉祀
之所地苦卑窪前人屢謀移建以艱於費不果道光己
亥殿梁遭風雨摧折廟幾傾頽營把總盛君鳴遠白上
官卜移於本營火藥局西隙地向建屋二重前重之
中為門東西為與祭嘉會所後重為殿安奉神像綴以
拜臺甬道前重兩旁皆有門東通火藥局西達空地
既爽塏制復宏整其木石磚瓦前移舊料改作後悉庀

材新造經始於是歲十月八日越明年三月工竣計費泉三百緡以舊廟基歸入城隍廟得津貼泉百二十緡得通營捐集泉百二十緡餘皆盛君與馬隊經挪須籌項歸還者余自戊戌來權邑篆見先農社稷雲雨風雷山川及邑厲諸壇年久傾圮亟為捐廉重建非敢侈觀瞻求稍盡為民祈報之心而已盛君是役志與余同乞余文記之余維人果知義所當為以必為為念則無事不可為之憾斯廟工費非巨前屢議遷而不果今乃奔走竭蹶以臻於成盛君可謂勇於為義者矣雖然余更有望焉魯頌曰駟駒牡馬在坰之野序說僖公寬以愛民務農重穀牧於坰野鄭箋云必牧於坰野者避民居與良田也按邑志載江口有兩營公置水草灘一區舊為分界牧馬處邇聞廝卒憚遠就近放牧附郭田園麥禾菜果之屬間遭踐食農民睨視吞聲畏威飲淚莫敢誰何或所傷實多始赴愬於庭屢經示禁并以文檄移營雖今闔帥嚴明禁尙未戢盛君能熟籌良法永杜吾民重困神之所歆在德將必有邀享格而錫蕃庶者其功又豈第移建之所可等量哉庚子四月立夏後一日

江陰縣志

卷七 秩祀 廟

前湖烈女廟在東城內女何氏南唐時人詳見列女明正
德開邑人張紀倡修嘉靖中季科建坊曰英烈咸豐十年燬

華烈婦廟在東城外永安橋南一名風義庵即明烈婦華

緯妻吳氏詳見列女舊志稱華六娘子廟道光二十年署縣陳延恩念廟襲俗稱殊失表彰節烈以維風化之義為書廟額易今名咸豐十年廟燬今重建

楊舍鎮城隍廟在堡城內大街北廟前有義井明萬曆三年邵南川浚

關帝廟在堡城北門內

東嶽廟在堡城東門外以上三廟蔡志未載以各鎮俱有有城池有職官三廟為朔望行香旱澇禱祀之所故陳志補之

祠

名宦祠在文廟櫺星門東祀梁縣令司馬公筠唐縣令趙公和宋知軍崔公立知縣楊公孝孺縣丞于公溥縣丞楚公執柔知軍王公棠教授鄭公謬節度使李公寶知軍徐公蕝教授尤文簡公衮知軍樓公鏐縣尉袁正獻公燮知軍施公邁教授鄭公應申知軍戴文端公溪知軍趙公彥适知縣林公庚知軍顏公耆仲教授郭公庭堅知軍史公寯之教授史公蒙卿元州尹李公師善州同韓公搏州尹張公紹祖昭勇大將軍蒙古丑斲公明江陰侯吳襄烈公良靖海侯吳襄毅公楨同知張公宗

江陰縣志

卷七

秩祀 祠

古

連知縣王公子倫知縣周公斌知縣謝公甯巡撫工部尙書周文襄公忱知縣黃公傅知縣涂公禎知縣劉公紘縣丞黃公寔知縣王公泮訓導戎公斌知縣趙公錦教諭林公烈知縣錢公錚主簿曹公廷慧訓導吳公應芳知縣李公芳教諭王公之夔學政元公璋典史閻忠烈公應元典史陳烈愍公明邁訓導馮節愍公厚敦

國朝

兵備道胡公直學政邵公嘉總兵劉公選勝學政邵公嗣堯學政張公泰交學政余公正健河道總督陳恪勤公鵬年巡撫張清恪公伯行浙江總督節制江南李敏達公衛常州府知府魏公化麟巡撫徐公士林常州府

知府包公括巡撫陳文肅公大受學政胡文恪公高望
學政周公系英吳公應芳馮沈志俱未祀道光二十二年奉文照蔡志列入舊本無傳仍缺之
咸豐十年祠燬今重建

鄉賢祠在文廟櫺星門西祀周吳季子札後漢吳令彭公
修前宋孝友南齊詔旌吳公欣之宋旌孝子陳公思道
工部侍郎葛公宮太常寺博士贈通議大夫葛公密朝
奉郎贈太師溫國葛清孝公書思文學王公令顯謨閣
直學士贈通議大夫蔣公靜太常寺卿贈太師齊國葛
文康公勝仲封承務郎吳公範徵士呂公天策朝奉郎
曹公密吏部侍郎贈太師越國葛公立方饒州府通判

江陰縣志

卷七

秩祀祠

五

曹公岷煥章閣待制耿公秉御史呂公棐同知樞密院
事邱文定公密中奉大夫寶謨閣待制胡公瑑少保左
丞相贈少師葛文定公邨中奉大夫直徽猷閣王公甯
大中大夫給事中趙公夢極太府寺丞吳公竽司農少
卿吳公當可太湖宰王公呈瑞祕書省校書郎趙公發
工部郎中胡公鏗博學宏詞元贈江浙儒學副提舉包
公天麟元海南廣東道廉訪使贈吳興郡侯陸莊簡公
屋平江路通判宋公仁輔隱士繆公鑑鄉舉陸公文圭
隱士俞公弈曾隱士俞公遠薦授澄江書院山長許公
恕孝義杜公友開鄉舉梁公益孝義單公濟之薦授處

州學錄吳公方參置制司幕府事李公辰睦州同知兼
義兵都元帥李公士龍隱士王公逢明國子監司業孫
公作翰林院編修張公宣常州府學訓導黃公常旌表
孝子趙公鉉鞏昌府知府進階嘉議大夫孫公亶大理
寺寺正嚴公本福建布政司參議顏公澤兵部尙書徐
公晞興化府經歷黃公敏隱士張公機大理寺左寺正
顧公琳戶部郎中卞公榮御史李公琨南京戶部主事
陶公廷威翰林院檢討薛公格南京刑部員外郎贈四
川按察司副使王公格大理寺卿贈工部侍郎湯公沐
山東按察司僉事貢公安甫福建按察司副使黃公昭

江陰縣志

卷七

秩祀 祠

共

雲南按察司副使史公良佐浙江按察司副使高公貫
南京光祿寺卿劉公乾庠生贈奉政大夫四川按察司
僉事薛公章憲廣東按察司副使徐公度御史曹公宏
山西按察司僉事蔣公舜民撫州府學訓導吳公崐合
州學學正張公誼旌表孝子吳公鳳舉人劉公羽南京
光祿寺卿前太常寺卿掌國子監祭酒張公衮江西按
察司副使薛公甲兵部尙書劉公光濟兵部郎中趙公
與治江西布政司參政季公科廩生贈光祿大夫太子
太保戶部尙書張公汝翼吏部侍郎贈太子太保禮部
尙書趙文毅公用賢福建巡撫袁公一驥舉人贈徵仕

郎文華殿中書舍人夏公樹芳浙江按察司副使顧公
言論德贈詹事兼翰林院侍讀學士繆文貞公昌期御
史贈太僕寺卿李忠毅公應昇江西布政司參議貢公
修齡文華殿中書舍人戚烈愍公勳

國朝神木縣知縣贈山西按察司僉事徐公之龍刑部主事
季公芷安定縣知縣戚公藩贈監察御史朱公衣徽州
府學教授章公耿光庠生封棗強縣知縣徐公世沐副
貢生耿公勳贈湖北鹽驛道前明庠生許公觀大理寺
少卿朱公廷鉉禮部尙書贈太子太傅楊文定公名時
廩生贈郝縣知縣繆公宏仁庠生贈翰林院檢討陳公

江陰縣志

卷七

秩祀

祠

七

燦廩生贈國子監監丞夏公敦仁靈璧縣知縣貢公震
咸豐十年祠燬今重建

道光二十二年十一月初八日奉署本府正堂楊札開
奉布政司李札奉蘇撫部院程札開道光二十二年九
月十四日准禮部咨儀制司案呈前准江蘇江陰縣舉
人薛永年等呈稱本邑縣志於乾隆七年經知縣蔡樹
續修載明鄉賢八十五人學政批入十三人道光十八
年重修縣志纂修等斥去蔡志鄉賢四十三人並學政
批入十三人等情經本部以未經入祠者非題准不得
濫邀已經入祠者非題明不容擅斥如從前入祀鄉賢
實有遺行亦應確查實據咨部核議行文該督撫學政
在案茲據該撫將該縣新舊志書送部並於新志內詳
細開載咨部查照前來查學政全書內載雍正三年議
准名宦鄉賢若止造冊報部日久玩生恐致冒濫嗣後
凡有呈請入祀者該省督撫學政秉公確查每年於
八月以前彙題並將事實冊結送部詳核等語又載乾
隆二十年前奉題並將事實冊結送部詳核等語又載乾
姑免追究等因欽此今江蘇江陰縣志於乾隆七年經

江陰縣志

卷七

秩祀

祠

六

知縣蔡澍續修載明鄉賢八十五人學政批入十三人
 係在雍正三年議准改咨為題及乾隆二十年欽奉
 諭旨姑免追究以前此次重修縣志自應恪守舊
 章即在劣蹟題明撤出不得擅行該縣查有確據亦應將其
 實在新修縣志所載入祀諸人只憑乾隆五十七年該縣
 紳士趙時煦未經地方官詳定之私碑辦理其蔡志所
 載四十三人及學政批入十三人均標為候定鄉賢實
 不足以昭公允且該縣公呈現有一二百餘人之多可見
 諸賢入祀鄉評尚屬允協該縣以一人之私碑而奪眾
 人之公論以百餘年已經入祀之鄉賢奉
 免追究者復標以候定字樣辦理亦覺失當所有江陰
 縣志所載入祀鄉賢應由該撫飭令仍照蔡志更正即
 銷去候定二字以昭公允而協輿情至名宦鄉賢事同
 一律查乾隆七年知縣蔡澍修志載明崇祀名宦九
 四人今新志內去二人改為未祀名宦五十四人另列
 別祠一人又增二十七人共定為崇祀名宦六十四人
 又增未祀名宦二十六人共定為未祀名宦八十四人
 載人數該縣亦係憑趙時煦私碑辦理所增人數除業
 已題准應入祀外其餘該縣並未聲明何年題准俱係

意為添入所有江陰縣志所載入祀名宦亦應由該撫
 飭令該縣一并更正除蔡志所載在乾隆二十年欽奉
 諭旨以前及嗣後未經題准者均准入祀並載入縣
 志外其乾隆二十年以後未經題准者概不得私自添
 人亦不得以未祀字樣載入縣志以免混淆而昭核實
 並知照兩江總督暨劉知江蘇學政外相應咨覆江蘇
 巡撫飭令該縣於更
 正後咨部存案可也
 知縣金咸於道光二十一年接篆適前署縣新修縣志
 甫經告竣惟鄉賢一門尚須候定旋於二十二年奉文
 到縣飭遵部示將縣志所載入祀鄉賢仍照蔡志更正
 飭銷候定二字隨論原纂紳董於卷第七秩祀門鄉賢
 祠下將蔡志原祀九十八人按時代先後編列一體崇
 祀謹將部文增載并刊入道光二十一年題定之彭
 公修貢公震其設木主一百位其卷十六人物門鄉賢
 傳亦更正刊訖又查蔡志名宦祠神主五十六位新志
 崇祀名宦六十四人惟明訓導吳公應芳因前志並未
 入祀亦未立傳迨專祠傾圮之後曾將木主寄設名宦
 祠蔡志從而列入是以新志內仍另列專祠現奉部飭
 仍照蔡志人數設位亦已移學遵置安設舊本無傳故

仍缺之歷年所增祀者九人明巡撫工部尚書周文襄公忱府志入祀通志有傳邑青陽鎮建有專祠春秋動支編祭銀兩宜照本朝大臣入祀典史陳烈愍公明遇乾隆八年請祀四十年與閩忠烈公應元馬節愍公厚敦同邀賜諡宜一體並祀國朝學政邵公嘉康熙中崇祀句容江陰兩學駐節處沈志載明蔡志失載常州府知府前任江陰縣知縣魏公化麟乾隆九年奉文飭造事實冊結原卷尚存江蘇巡撫徐公士林常州府知府包公括皆乾隆十年題入十一年奉文設位巡撫陳文肅公大受乾隆二十三年題入十四年奉文設位學政胡文格公高望道光十四年題祀學政周公系英道光十三年題祀皆奉文應入祀者相應遵飭聲明其未祀名宦傳八十八人內原見蔡志者六十八人見府志舊志者五人新增七人與崇祀非二傳查非宦于江邑者未便沿入其未祀字樣緣蔡志有位者無傳有傳者無位未免混淆故照康熙中沈志以崇祀未祀別之今奉部示亦銷去未祀字樣改爲遺愛傳除具文中申請者覆外合並載明

江陰縣志

卷七

秩祀祠

九

詔建十二年立石祀歷朝忠臣十三人

忠義孝弟祠在學宮內雍正元年奉

國朝一人歷朝義士十一人歷朝孝子六人

國朝旌表孝子二人歷年增祀歷朝忠節十一人義士三人

孝子三十二人乾隆四十一年

欽定勝朝殉節九人歷年旌表孝子三人道光七年彙旌勝朝殉

節一百三十八人

國朝忠節三人共二百三十二人道光十八年彙旌孝子順

孫五十一人

內二人停止設位

姓名行實別有傳

節孝祠在中街學宮東雍正元年奉

詔建乾隆中節裔楊謙益陳大中兩次倡修六十年邑紳趙時煦

倡諸節裔拓而新之道光七年十一年節裔陳培因祝登墀集貲改建正祠三間設歷代節孝貞烈婦女暨

國朝旌表之位東西分列題名碑石左祠三間設道光十年

十六年兩次彙旌之位右祠三間附祀未及請旌及阨窮而格於年例者正祠之前正廳三間恭錄

恩詔懸於正中前為大門餘為坐集之所祠右坊一為十年彙旌

諸氏立勒三千二百六十八人姓氏於碑碑覆以亭十年續請五百三十三人附焉街北坊一為七年彙旌

乙酉殉難節烈諸氏立勒石建亭如之咸豐十年燬同

江陰縣志 卷七 秩祀 祠 三

治八年先建從屋八間

重修節孝祠記 邑人趙時煦

節孝祠於雍正元年欽奉 所以章婦烈獎閨貞也吾邑自南唐何烈女遭際亂離

遇賊不屈自淪於前湖後人立廟祀之尸祝不絕流風 所被觀感日深禮法自閑鬱為善俗三吳婦女莫得而 比焉宋元以來記載關佚明邑幸蘭溪黃公蒐討遺籍

勅成志書纂輯列女凡三十三人皆奉詔旌門者惟進 士陸呂妻以下三人為諸生張簡等所薦達而猶慮其 有未盡也復綴之以論辭曰節婦之旌否視有司之達

茶嚙藥何足望蔡女之末光富擁千鍾即列鼎累綢亦 可排其美於下陳諒哉斯言古今一揆也某維春秋之 義善善欲其長伏讀

世宗詔曰旌表節義乃彰善大典每見直省地方有力之家尚能 上達而鄉村貧窶之人則多湮沒無聞深可憫惻著督撫學臣 及有司徧加採訪務使人則多湮沒無聞深可憫惻著督撫學臣 四十而身故計其守節已歷十五載以上者亦應酌量旌獎

益多慮久勿能容也迺於道光七年間與職監視登墀集諸節裔倡議集貲拓建兩進於後而虛前堂為承祭官坐集之所會部准乙酉殉義紳民入祀忠義祠其婦女七十餘人祀節孝祠仍給銀建坊前學政朱方增因率屬官分詣各祠安位稱盛舉焉邑人又援武陽例採闔邑節孝貞烈婦女三千二百六十八人請總建一坊道光十年題奉部議覆准時陳培因已亡祝登墀獨購辦坊料甫訖吉亦身故登墀子生員維祺仰承父志爰偕紳董節裔等踵成其事增建彙旌祠於左堂亦三楹節烈坊在祠外路北節孝坊在祠旁路南節烈坊之北節孝坊之南又蓋造兩碑亭鑄烈女姓氏其上計自七

年以來鳩工庀材歷數寒暑勿輟至本年五月工始蕝費凡六千緡有奇亦可謂經營盡善堪以垂後者矣

延陵季子祠在申港鎮西卽季子墓地也宋慶元中封昭德侯明洪武初詔去封號題木主曰延陵季子之神祠

建於宋至明正德五年知縣王鉞請於巡按御史謝琛

江陰縣志 卷七 秩祀 祠 三

始列祀典隆慶五年知縣劉守泰修武進鄭鄖題額曰

至德第三人楹聯曰星斗夜寒君子墓風雷時護聖人

書謂十字碑經雷雨斷而復完也

國朝

聖祖御書讓德光前額祠中堂奉季子像前為十字碑亭又前為

謝恩樓後為守祠僧舍乾隆間知縣蔡澍重修咸豐十

年燬惟碑亭巋然獨存同治初年里人捐建頭門五間

十二年署縣林達泉金吳瀾相繼捐廉詳請建復總督

李宗義倡捐於前官紳士民暨後裔續捐於後由省垣

工程局檄委朱之幹監造以是年興工越明年落成

捐數

不敷復由金吳 其制頭門五間享堂五間船廳三間附
瀾捐廉竣工

以從屋外繚周垣內栽花木至以後修葺由各大憲捐

銀生息 巡撫吳元炳銀壹百兩侍郎彭毓麐
銀五十兩提督吳長慶銀二百兩 知縣沈偉

田復詳準在冬漕項下每年捐錢五十千文 光緒元年及
年為始

撥申港虞門後梅三鎮停止義塾田畝以充經費 申港
鎮一

百五十餘畝後梅鎮四十
餘畝虞門鎮四十餘畝 又分祠二一在縣治東咸豐

十年燬光緒四年後裔重建一在夏港鎮

延陵季子廟記

宋常州知軍朱彥

常州古延陵也吳季子所封之地至西漢為毘陵又至
東晉為晉陵宋齊因之隋平陳廢晉陵為常州唐因之
或曰晉陵郡自晉武帝太康二年分曲阿為延陵至隋
徙治丹徒唐武德三年徙延陵還治故縣今潤之延陵

江陰縣志

卷七

秩祀祠

三

鎮是也杜佑謂曲阿延陵有季子廟非古之延陵古延
陵在今晉陵縣其說明矣而孔子所書季子墓碑歲久
益湮沒開元中明皇勅殷仲容摹刻之大曆十四年潤
州刺史蕭定重刻石延陵廟中於是俗習徒見潤之延
陵季子廟而不知常州實古延陵而季子所封也余以
罪謫守是州因考太史公書歷代地志通典圖經得其
詳矣又得其所謂季子墓在晉陵縣北七十里申港之
西又曰暨陽鄉而暨陽隸今之江陰縣乃屬令趙士澗
訪之得大家於暨陽門外三十里申浦之側有季子廟
與史記地志通典圖經合於是表識其墓謹樵牧耕鑿
之禁又摹取孔子所書十字刻碑墓上設像祀之學中
以時率吏士諸生拜焉所以示邦人貴有德也又備論
歷世廢興與俗習之變易刻之
碑下後有君子得以覽觀焉

范文正公祠在大巷康熙中裔孫君聘請建十九世孫彌

山重建咸豐十年燬今重建

蔡西山先生祠在武廟西祀西山先生九峯先生肇建元

代改建於明

國朝乾隆八年後裔寅斗等呈請復建以創建澄江書院之

以忠配祀

九峯子始居江陰

咸豐十年祠燬

二侯祠在虹橋東祀明江陰侯吳襄烈公良靖海侯吳襄

毅公楨明嘉靖十一年改火星廟建萬厯間知縣許達

道崇禎間知縣馮士仁修

國朝順治間知縣武茂周以明武畧將軍千戶沙原德康熙

間知縣沈清世以明明威將軍萬戶郭旺郭讓從祀又

祀京口左路水師總兵劉選勝乾隆八年吳氏裔修葺

致祭道光七年詳准以明永義侯桑世傑東海郡侯徐

江陰縣志

卷七

秩祀祠

十四

公輔指揮同知曹淵襲封靖海侯吳忠總旗奚士鐘百

戶奚得奚宣奚宏游擊將軍沙濟飛熊衛指揮郭希聖

郭邦清義兵王華一附祀咸豐十年祠燬

重修二侯祠記

明邑夏樹芳

江陰古利城地封壤雖僻實江南形勝之區東連吳越西通淮楚蓋金陵之門戶而江海之要衝也我江國襄烈吳公海國襄毅吳公奮騰風雲從高皇帝定鼎左馮右翼為開國之元勳自功臣建廟而外以二侯之保我江陰實多爰闢二侯祠崇德報功祀典攸宜矣逮乎孫枝茶弱帶礪寒盟遂使虎變龍驤之烈莫繼弓裘補天浴日之功委之灌莽有識者其謂之何我邑侯東陽許公莅政之日瞻拜侯之祠下慨焉惻焉以興滅繼絕仔肩其任重勦大門三楹二門三楹大堂三楹東建更衣所西建享牀堂各三楹朝夕糾虔以襄厥事軒櫨宏敞比前所構巍然煥然豈二侯之英爽如日星之麗天江河之行地獨於許父母寄豪傑作求之想主張是

而推移是勿亟子來而成此偉觀者歟樹芳伏在江濱
佩服二侯之鴻烈磅礴扶輿且謂二侯之大有造於江
陰者隱隱隆隆其貯嚮尚可追也遂奉許公之命而記其事

重修二侯祠記

國朝邑人沙張白

豪傑之士際風雲之會依日月之光勛名著於竹帛俎
豆垂諸千秋蓋其志在濟天下安民生與開基帝王真
有主臣合德者非僅僅斬將舉旗逞一劍之雄已也惟
名世大儒於異學紛熾之日開邪說倡絕學覺人心於
久夢障狂瀾於既倒斯其氣足相配而功足相侔唯其
氣相配而功相侔故雖古今異世而適然相逢自有不
介之合張白於吾師西山張公修二侯祠者見之二侯
百戰之勳載在國史不待揄揚獨其守江陰也能以控
撫我馬之暇繕城隍墾蕪棄招流亡問疾苦蠲刑薄稅
聲相雜蓋以絳灌之畧而兼召杜之良古功臣之所難
也禮功在國者祀德在民者祀祠食太廟塑像勳祠是
有明所以報功之祀以一代之存亡為興廢報德之祀以百
德也報功之祀以一代之存亡為興廢報德之祀以百

江陰縣志

卷七

秩祀祠

三

聖朝

代之尸祝為俎豆吾江陰之祀二侯猶潁川之祀黃霸
河內之祀寇恂也議者乃謂
建故明勳臣祠廟應廢何其言之謬歟祠在虹橋之東
歲久傾圮西山公蠲俸鼎新焉選得靖海侯九世孫漢
列之子矜俸奉祠祀噫何興滅繼絕恩禮優渥也落成
命張白為文以記張白始祖曰原德二侯副將也佐兩
侯血戰有殊勳佐兩侯撫民有惠政其沒也補祀延陵
書院院殿祀中絕張白請於先生得祀事公之恩施兩姓
弟三卿於諸生中命與吳漢同奉祀墓加修葺焉其
又何厚哉公甫下車首謁延陵季子祠墓加修葺焉其
繼及兩侯也公名能鱗宇玉甲西山其號也順天大典
人順治丁亥進士以禮部員外郎督學三吳宋大儒橫
渠先生

張連二公祠在君山嶽廟東偏明宣德九年初建山之西

麓祀常州府同知張公宗連後圯廢宏治十一年知縣

黃傅撤天妃宮材重建之久之復廢天啟四年邑人徐

宏祖等捐資重建明末又廢

國朝列入祀典嘉慶間曹大鈞何春煦等以明萬厯間僧永

明所建君山禪院內有連侯祠祀海防同知連公繼方

歲久亦壞卽其遺址重新之以前三楹奉張侯木主後

三楹奉連侯像請復祀典咸豐十年燬同治九年就於

義塾內供二公木主春秋致祭

計有祭田在大橋三保田埭三十五畝九分有

奇花山一保蕩十一畝五分有奇

君山廟記

明楊士奇

君山廟者祀常州府同知張侯之廟也為政而能愛民生則父母之沒則烝嘗之皆由其誠有以致之也張侯之同知常州也奉部符專督農事既至視民如子喜為之興利常行視水教之蓄泄躬履壟畝察種植而為之

江陰縣志

卷七

秩祀祠

三

勸或時坐膝間相爾汝語如家人未嘗答言辱人遇老病鰥孤率有恩意所過飭勵學校正士習士甚戴之上官知其得民也有所賦輒檄之督民恐以緩累侯則爭起趨事然侯終不以慮譴而急民是時天下軍伍滋弊軍之姦黠者率用賂規匿而詭傳平民於籍民被枉比比朝廷以璽書分命御史清理其要在覈姦直枉御史當詣蘇常者言於兵部常州必得張同知共事乃有濟部遂以檄侯御史時銳意得軍為功不復矜念民枉侯固執民實非軍敢違璽書不從御史不可奈何數出無禮語詬詈之侯忿鬱不能平數日疽發背卒然常之人賴侯以免於枉者猶十七八時蘇之佐郡者極力助御史得軍而枉民動以干計愁苦嗟怨於道路累年不解常之人以是益思慕侯不已侯素澹泊廉介不苟取一毫自入仕未嘗以家累隨公退坐一室蕭然讀書焚香而已易簪之先夕侍藥者入其舍索燈燭悉無趨出取膏油一盂以入侯遙見竟謝卻之其操類此侯先是翰林庶吉士為刑部主事春坊中允大理寺丞皆有政績嘗奉命督事廣東福建皆有惠及民此特載其在常者耳侯卒之日民老壯奔走哭於庭皆哀具儀奠祭累日柩行白衣冠送者數千人非積誠而能致此乎後數年

江陰士民朱善繼善慶周孟德孟敬因眾民之志協謀
作廟於邑之北君山以祀事求請書於石併作迎享送
神之詩使歌以將事侯名宗連字重器江右吉水人永
樂第一科進士朱氏周氏皆出德崇義之家詩曰肅穆
兮侯堂酌山泉兮薦林芳洽洽風兮髣髴侯戾止兮佩
玉瑤懷仁侯兮撫我動與息兮有教稼芄芄兮連疇侯
顧我兮樂以笑侯乘兮蘭棹候東皋兮忽南畝溪有鱣
兮陸有虺侯赫視兮敢余或悔侯來遲兮逝何疾侯之
逝矣我民以感山之明兮水之麗侯舍茲兮安適侯懷
故鄉兮且往夕來祚我佑我兮無遐遺調二氣兮平四
序下無汎濫兮高無曠災沼有魚兮莖有畜公無負
逋兮私庾足俾我民兮詒孫子承侯福兮千百世祀

周文襄公祠在青陽鎮大橋西祀明巡撫周公忱公築芙蓉馬家二圩歲入米五六十萬石功德在民立祠祀之

國朝康熙間知縣龔之怡以明知縣黃公傅胡公士鼇從祀

學使李振裕巡撫湯文正暨知縣陸次雲蔡澍歷加修

江陰縣志

卷七

秩祀祠

三

葺咸豐十年燬今重建

貢公祠在學宮內祀明御史貢公安甫乾隆十八年裔孫

震等請於學使雷公鉉至四十三年始建咸豐十年燬

今重建

貢御史祠記

邑人趙曦明

嘗考江邑人物盛自故明武宗熹宗委權奄寺能不郵
其身以憂其君者得五人焉前則御史貢公學靜史公
良佐以劾劉瑾廷杖職方黃公昭以忤瑾削籍李戒菴
稱爲一時三忠後則文貞繆公忠毅李公以攻魏瑞捐
軀碧血所記六君子之二也明運告終

聖朝御

御史公而已明少與公十五世孫名震號息甫者同門
相得一日偕詣學宮雙忠書院趨入瞻拜因謂息甫君
家御史公亦應有祠息甫曰極不忘也康熙五十五年
族祖某已得請於學使林公而所購地喧卑湫隘不可

以棲先御史之神謀改圖而有待耳至乾隆十八年息甫已登仕途由建平調知靈璧縣事而閩粵雷公視學江蘇乃糾族人應芳應芬鈕永甯等呈請如繆李例建祠於學宮報可節縮清俸五年得二百金以為倡此解組歸又與族眾商儲蓄并濟以家祠公項涉二十三載費五百餘金然後由門而堂而寢規模咸備四十三年四月癸亥始克奉主入祠息甫下世春秋已四易矣越二年前明歸自杭其猶子清以息甫之故來問記明以公之清德重望非小知小言之所能稱不敢當者久之既而思公祠與雙忠書院接宇連甍揭示一邑之有裨於風教也又私喜數十年前之言之虛也又歎息甫之用其勤若此而不獲睹厥成與史黃及御史公同仆同起史公未有祠而黃公并未祀於瞽宗也且昔韓昌黎作新修滕王閣記尚以名列三王之後為榮耀明豈敢仰企昌黎而公祠重於滕王之閣顧得挂名樂石斯榮耀為何如者遂不自揣而詳述願末以為之記

愍忠祠在城隍廟西祀明贈光祿寺少卿知縣錢公錞公於嘉靖三十四年禦倭死事建祠肖像祀之殉難義勇

江陰縣志 卷七 秩祀 祠 三

楊成陳裕塑像其旁歲久圯廢崇禎元年知縣吳鼎泰捐修增祀殉難兵邢惠郭斌

國朝康熙二十四年知縣陸次雲以主簿曹公廷慧典史閻

公應元從祀今閻公另祀三公祠道光七年詳准以同時禦倭義士李祥等十人金鳴等十人李安陳選楊朝

卿楊朝相附祀

愍忠祠記

明邑人 王廷賓

公諱錞字鳴叔別號鶴洲登嘉靖庚戌進士王子來令江陰浙中倭寇大作邑治瀕江勢撼民恐時久安亡戒公且新至乃肩劇飭備完繕城郭明年寇犯太倉徵兵應禦悉殲我良募補復充又明年寇至逆戰不利乙卯春寇徙三文浦趨江陰公禦於石幢矢盡繼以瓦石身被一矢賊遁出江公度其復來營華墅以待賊果至我

江陰縣志

卷七

秩祀祠

完

兵斬首九級距不得進乃更合常熟寇三千餘分半寇靖江半從蔡涇入公方從兵憲援靖江聞報亟還賊攻城不克大肆焚掠民避寇入城者日萬數公痛憤必欲一決戰兵僅四百合狼兵鎮江兵僅千帥之出城公嘗以法懲狼兵縱肆者銜公遇寇先遁餘眾望風皆遁公獨與親兵五十餘人奮鬪草間伏起刺公公身被數刃遂遇害從公死者二十餘人天大雷雨晦冥不辨咫尺賊懸公首營中夕募謀者得之乃克殲城中居民皆慟哭戶設公公主以拜朝廷特贈公光祿少卿蔭一子立祠於縣歲祀之公以書生初出仕即守孤城對勃寇首尾四年不遺餘力竟以身從精誠所徹感動天人斯亦異矣或曰公嘗以印印其裏衣使郊原有辨又每聞寇虐輒推案怒咤謂張睢陽何人其忠勇持必死志久矣君子以是尤悲而重之其為令清苦於民不忍纖芥傷且練於政編徭與水利捕獲悉有良法可傳其先湖州安吉人七世祖喜興事太祖高皇帝有戰功授千戶官子孫嗣不失職調遼府左衛嘉靖十八年調顯靈衛祖康父最母周夫人配蔣夫人蔣宗室光澤之甥女先公邁難歸侍其姑於家遂生一男即受蔭者公亡於乙卯六月十三日實生男之三日蓋天將留公之後也公年三

重修愍忠祠記

國朝知縣 蔡澍

國朝

明嘉靖三十四年江陰令荊州錢公禦倭寇力戰死之事聞贈光祿寺少卿世蔭一子錦衣百戶建祠城隍廟之西偏顏曰愍忠春秋祀以羊豕帛各一殉難義勇楊成陳裕耐後增殉難兵邢惠郭斌稱四烈士焉因之按祭法以死勤王事則祀之能捍大患則祀之明自中葉以降海氛不靖東南之民騷然浙東西為海疆孔道倭虜所出沒被禍尤烈而節鉞大僚下逮合長相顧錯愕惟以閉城自衛為良策甚有聞風棄地竄突山谷間僅以身免公以理學名儒釋褐莅茲土聞賊發鄰省則預為守禦計嘉靖甲寅倭寇犯境公屢敗卻之明年乙卯寇大至公禦之塘頭石幢華墅諸處皆各有斬獲既而倭悉其醜類蜂擁薄城公日夕戒嚴且撫遠郊避難者聽命於兵使兵使王某屏息不戰而江民危矣公奮忠勇推案而起率兵四百突圍決戰麾下楊成

等先後戰亡公單騎格鬪力竭罵賊死時雷雨交作天日為昏遺民男女哭聲動地倭遂巡解退若有陰驅而疾掃者於是孤城獲全而濱江數郡亦皆帖然以靖嗚呼公之功何其偉哉固宜享百世而弗替也祠以歲久就圯乾隆丁巳士民協力鼎新而屬諸城隍廟之右令道士供其掃除西室三楹另設明主簿曹公廷慧典史閻公應元兩木主曹亦以禦倭有功閻殉節於明季皆前令沈君清世增入者予誌斯役爰述公之大節俾來者知所虔事焉公名鏞字鳴叔號鶴洲嘉靖庚戌進士死時年三十有一

吳公祠舊在學宮明倫堂西祀明訓導吳公應芳公歸安人字文譽教澤及人諸生德之請於學使駱公駿曾建祠為置祀田十畝繆文貞公記之易代祠毀每歲春秋設位暨陽書院講堂祀之

雙忠祠在學宮內祀明繆文貞公昌期李忠毅公應昇康

江陰縣志

卷七

秩祀 祠

三

熙中兩家後裔請於學使許公汝霖建祠學宮西雍正中遷今地忠毅公另有專祠在顧山鎮東名忠節祠咸豐十年祠燬

雙忠祠記

國朝學政 魏學誠

雙忠者文貞繆公忠毅李公也余知識之年侍先大夫獲聞古今忠孝節烈之事奇偉之人私心嚮往之至前明天啟之世中朝士大夫罹逆奄之禍駢首詔獄不睹天日極擄掠鉗灼之慘九死而不悔其堅貞之節浩瀚之氣真是塞兩間而橫四海矣丙戌春余奉

命視學

江左來蓉城始讀從野堂落落齋兩集繆李兩先生之梗概悉見於此說者曰文貞無言責可以無死而必出於死者曷故又謂疏魏璫二十四大罪未盡出於先生之手此皆不足以知文貞者也鋤奸之疏不出於文貞無損於繆盡屬之文貞亦無損於楊彼二三君子日夜所圖維剖肝瀝血而談者何事苟有利於君聽何所不為揚之立說繆之揮毫所必然也夫何疑若忠毅者忠

孝性生加以一往之致在廷莫匹其罪狀魏瑄世不遺餘力其言主柄之不可下移在幼主則曰何不去忠賢以終其寵在忠賢則曰何不早日引退以全其軀分明懇惻忠臣告君之義與劉子政論外戚封事今古一揆使當時宰相有一李東陽為之彌縫調護則奄罔必不至於燎原黨人必不至於糜爛宗社必不至於邱墟矣嗚呼方其臨命之頃重念親恩願生生事佛何其無聊也論世者亦可以得其成仁之由矣夫天之生才或曠代而一見或異地而一人獨是繆李兩先生為梓里為瓜葛為同朝而同死同享千萬世之名豈不偉歟此雙忠祠之所由建也進士誦謀於余曰祠既訖像乎祔乎余應之曰尊其瞻視令甲所弗禁也惟孝孫為之

三公祠在東城前湖之南祀明典史閻公應元陳公明遇訓導馮公厚敦舊為樓霞菴即閻公授命處公有遺像在來二里生祠乾隆八年移像於菴并塑陳公像額曰閻陳二公祠十六年知縣劉新翰捐修二十九年知縣

江陰縣志

卷七

秩祀 祠

三

賜故明歿節諸臣通諡閻公忠烈陳公烈愍馮公節愍嘉慶二十五年知縣蕭瑾從紳士楊敦厚等請始捐廉致祭道光

八年學使朱公方增知縣葉維庚以同殉紳民設位祀祀咸豐十年祠燬今重建舊管歲修田十畝同治六年署縣汪坤厚捐置田十畝

閻陳二公祠記

知縣 蔡澍

世祖提師

有明肇造區夏垂三百年神熹兩朝天厭其德難發於流寇禍集於懷宗中原陸沈啓啓望拯我及師下江南金陵不守斯時之死節者惟江陰縣尉閻陳二公材最良官最卑志最著余以雍正乙卯歲奉命蒞茲土始至之日省案牘問民疾苦不遑他務頃年以來治

命蒞茲

神聖應運

王室必

久事簡修舉廢墜方謀表章二公之烈適諸生楊振聲周之麟等請以閻公殉節故地曰棲霞菴者為尚祠並祀陳公子惟甲申乙酉間有明勳舊貴戚柱石之臣受國厚恩者何限吹枯噓生出奴入主高自標榜者又何限然流氛四起而莫展一籌闖賊犯京而爭拜馬首蒙面喪心若此其甚如二公者以卑末之吏具文武之才值之初處君國滅亡之後即使潛踪遠避亦當為清議所寬苟其免身圖功宣力有卓卓可表見者而獨守王蠋不事二君之義臨城招撫自誓彌堅協守八旬與民俱盡豈非孔孟所稱殺身成仁舍生取義者耶因諸生請定為尚祀并勒石以慰邑父老且為後之為人臣而不克自盡者勸是為記

三公祠記

學政 湯金釗

高宗純

皇帝褒忠闡幽凡勝朝殉節諸臣分別以扶植綱常垂教萬世至深遠也江陰前後典史閻公陳公訓導馮公以守城不屈得諡忠烈烈愍節愍城東南

江陰縣志

卷七

秩祀 祠

三

聖臨金荷

大兵

隅有棲霞菴為閻公殉節地邑令蔡公澍因以祀閻陳二公邑人復增祀馮公額為三公祠而以眾義士配焉邑令劉公新翰學使雷公鏞暨諸董事先後釀金置田春秋祀事弗替金釗維純臣事君有死無二三公當明社既遷之後欲以區區一邑抗拒大兵力竭城陷視死如歸雖未知其仁然而忠矣可以愧後世為人臣而有二心者宜其仰邀

三公祠祀殉義紳民記

學政 朱方增

江陰三公祠祀明江陰縣典史忠烈閻公烈愍陳公訓導節愍馮公蓋順治乙酉以孤城拒大兵城破不屈死者也時紳民從死者甚眾百餘年來未列祀典道光六年中丞陶公允士民之請上其事於

旨以姓

朝得 名見志之邵康公一百三十八人祀忠義祠中丞復允以散見家乘經後嗣舉報之倪紹祖等七十五人建立公祠並昭於饗邑人士紉於經費妥侑之地關焉值余駐輅伊始以其事來請余曰諸紳民與三公同時殉節歿仍同歆俎豆禮也其祀祀於三公祠宜僉以為允乃

奉粟主分設兩序祠祀之日余親詣行禮焉夫諸義士
當明社既屋之後同心捐軀此其忠義之性勃發一旦
成敗利鈍皆所不計又豈計及於沒世後有褒顯之者
乃事久益彰卒得

賜祀如例此固

自至不求名而其名自顯然則忠孝廉節之事苟能盡
其在在我發潛闢微必有其時非理之較然者乎諸人殉
義在順治乙酉題請在道光乙酉元運之轉適契乎
人心之同則尤可異也爰書之以為名教勸是為記

戚祀紳民姓氏 潘文先 許用 夏維新 王華

年奉 呂九韶 黃毓祺 徐趨 以上乾隆四十一

學使朱並祀茲祠 旨入忠義祠道光七年邑紳士請於

邵康公 金允鏜 方有聲 周高起 王清芳

宋 王廷材 王子固 顧大本 李問政

李 曹燧 王錫黼 戚從京 張維祜

張 張之英 凌啟芳 王從讓 王之經

湯 張之英 王宗賢 蔡良臣 徐五柱

江陰縣志

卷七

秩祀

祠

三

徐六柱 王允貞 王命鼎 王命新 王啟新

王永貞 王大政 王大諫 王大讓 王大成

王世茂 王錫福 程永清 徐松齡 王應亮

高明德 高啟隆 趙應選 周振伯 王應甲

季世美 季從孝 劉因可 王應科 沈羽博

黃瑞伯 管燕翼 管某 沈應麟 唐士傑

王鳴弟子 高觀 王景雲 唐士傑 陳士傑

姚見某 周應元 陳龍泉 陳玉泉 尹全

朱見亭 顧叔薦 談龍新 史達尊 王幼泰

章懋賢 蔣文經 章重光 陳式玉 吳幼泰

王謝賢 何石奇 高一鯤 董去華 陳定育

吳幼志 吳幼蜚 馮延周 陸鴻圖 史補袞

章明敘 章幼猷 林鳳儀 黃楷 史慎所

高士麟 沈應乾 蕭憶江 高惟旭 陸慎所

王秀麟 徐肅衷 薛啟芳 季惟明 顧慎所

齊程秀 章懋學 邢啟漢 徐亮工 顧慎所

張士偉 張懋學 高懋才 何君碩 史正泰

胡正升 吳鼎隆 徐日步 耿以誠 史正泰

薛耀明 方啟明 程斗望 董臣虞 董大有
周克新 梅舒白 徐杞齡 許國泰 許謙亨
陸某 陸瞻岑 趙某 以上道光七年奉

旨入忠義祠請於學使朱兼祀茲祠

倪紹祖 趙行芝 俞大舍 徐柏齡 徐世昌
祝有春 祝有明 祝道通 沈鳳章 沈大勳
沈大業 沈翼明 沈自明 張仕奇 張汝發
夏嘉祚 張身建 張應瑞 張客滸 朱隆祧
袁良驕 袁茂德 袁晉卿 袁客卿 袁隆升
袁應祥 袁應祺 袁希祖 袁琦 袁世望
袁邦華 袁邦瑞 袁宗緒 王明傑 王明傑
陳所傳 陳善教 陳修德 陳滋德 陳所志
沙士奇 沙有恩 沙正己 沙志賢 沙元勳
沙顯宗 沙永隆 沙永祥 沙命新 沙玉宸
沙克新 陳大有 陳繩宗 陳大節 陳鼎新
陳應登 陳應元 陳鳳翔 張光裕 張應達
張鼎新 張廷樞 張鼎新 張鼎新 張鼎新

江陰縣志

卷七

秩祀

祠

三

高一鶚 高三捷 高懋良 高三握 高毓奇
顧大全 顧道成 顧紹魁 顧憲章 顧憲華
顧希聖 顧其秉 顧憲文 顧憲章 顧憲華
王希曾 王命疑 王大德 王汝明 王汝揚
沙登明 沙復宗 沙昌宗 沙自新
徐從益 徐汝翼 徐汝為 徐汝明 徐汝揚
繆鍾理 繆鍾粹 繆鍾祥 繆鍾俊
繆文燿 繆文炳 繆文炳 繆文煥
湯文懿 湯文驤 湯文灼 湯鳳翔
湯起鳳 湯驗鳳 湯一和 湯一鵬
湯映蓮 湯揚揚 湯扶和 湯一鵬
王汝華 王汝豹 王居之 王行之 王汝鳳
范樹名 陳以仁 陳以義 陳登源 李國茂
李德茂 任葵陽 任大受 任光祜
繆鈺 謝永剛 夏器之 袁象鼎 袁廷選
徐一駿 徐光祖 施懋說 耿鳴雷 陳廷獻
胡熙雲 周新所 高懋瑞 韓某 以上道
光十六年續詳三院祀設位

重建三公祠碑記

署縣 汪坤厚

余昔時侍外大父文端湯公讀書京邸公曾任江蘇學使常駐之署在江陰公居江陰較久熟於邑之掌故嘗為余言明末

朝 大 兵

南下時江陰有前典史閻公典史陳公訓導馮公以微員率士民堅守八十日城破皆死焉我

馮公節愍邑人建祠於城東南隅享祀惟謹因進聯額并記其事誌異數也余敬聆而默識之歲丁卯余來攝

縣事亟訪所謂三公祠者則已為賊燬惟基址尚存欲圖興復顧力未逮戊辰春日將運漕至漚交納邑舊例

每米一石準津貼水運費三十五文茲歲漕三萬一千餘石應繳錢一千餘串余思船準不克獨任勢必波及

於商漁及鄉農科載諸船儻豪猾復從染指則弊更滋大且核全漕額數尚須加倍則費亦遞加民何以堪力

卻之并為通稟立案永禁船戶皆感說又慮寬政之不能常行也商漁船戶毛永齡等固請立石以垂久遠并

願輸所集貲八百千文襄辦緊要公務余謂公務之有裨風教者莫如三公祠眾商踴躍予為之出示刊石特

江陰縣志

卷七

秩祀祠

三

邀邑紳沙訓導淮至界以商捐屬其締構不敷另行籌添逾半載享堂落成棖栢丹雘神龕配位靡不嚴整上距文端公作記及進聯額時五十年於茲矣余遂重書文端公聯額懸於堂又捐置瑣塘田十畝計租十石為歲修助因縷述平昔欽仰三公今日得復祠宇之故為記以附文端公之後云

戚公祠在大街小廟巷內祀明文華殿中書舍人戚公勳

即其闔門殉節地也道光十七年邑人金安世等捐建

咸豐十年燬

戚烈愍公祠記

學政 白 鎔

自昔鼎革之際見危授命代不乏人而或官其地或居是鄉同時以義烈稱殞身湛族九死不悔則稽之史冊實難其人若江陰戚烈愍公者可謂浩氣凜然不朽千古者矣考公早年以諸生屢困場屋至崇禎壬午始得推擇為中書舍人旋遣甲申之變間關金陵復奉敕出督閩餉抗疏陳言深為史閣部所倚重會

抵江陰故典史閣忠烈公嬰城固守公本鄉民或勸其
 間道脫歸公誓與城俱亡知城必潰預積薪樓下城破
 日率妻妾子女七人次第畢命舉火自焚僕婢從死者
 凡十三人嗚呼公之從容就義誠莫與比隆矣公在勝
 國時不過一七品散秩耳非有高爵厚祿身荷重寄膺
 社稷民人之責者也當夫
 受命卽不能委贄裸將苟制迹江湖隱淪畢世孰得而
 禁之乃公則視死如歸全家碧血迄今追溯其事猶足
 令人感且涕也公於江陰死事最烈而二百年來未有
 專祠道光十七年四月邑人孝廉金安世庠彥薛人鑒
 揚世榮章樹榮等竭力勸捐於公死節舊地創建祠屋
 輪奐一新越六月而告成戊戌春金君計偕入都以余
 曾視學江左屬余爲記余維公之取義成仁昭垂天壤
 而暨陽爲公梓里且公之故宅與學使廨宇相距不過
 數武余曩者慨慕流風而其時楹桷未成未得展溪蘋
 之薦今知奔奔孺垣寢成曼碩雕俎升香以妥以侑亦
 可以慰忠魂而快人心已公之死難與閣忠烈公並稱
 忠烈通州之祠於丁酉歲卅建而公之祠宇亦於是歲
 適成南北數千里不約而同殆亦昊蒼默相以彰忠義
 之靈久而弗泯千百世後知扶植彝倫有與乾坤並壽

江陰縣志

卷七

秩祀祠

三

者謂非頑廉懦立之一助歟乃爲迎神送神之歌其辭
 日迎神兮雲鄉臨大江兮湯湯靈之來兮瑤閭乘素車
 兮霓裳感興廢兮滄桑矢臣節兮天常崇廟貌於枌榆
 兮悲故土之不能忘送神兮青林返紫府兮崑岑望潞
 河兮天濤羌異境兮同心載靈旗兮鬱森永萬
 古兮居歆願降福於斯民兮天札疢癘之不侵

邵景二公祠在東平廟巷本邵公祠康熙中蘇松人士公

建祀學使邵公嗣堯道光丙戌邑人重建後有隙地數

弓建屋增祀學使景公福公乾隆間有德於民甚厚至

是始與邵公並祀焉咸豐十年燬

趙公祠在章卿祀宋知軍趙公士鵬並祀明文毅公用賢

裔孫友琴捐置祭田奉祀一在中街儒學東鼎魁坊下

祀宋校書郎趙公發明孝子鉉兵部郎中與治文毅公

用賢

國朝旌表忠義明季殉節應選道光九年裔孫金笏同驥等
公建咸豐十年祠俱燬其在章卿者同治間後裔重建
魏忠憲公祠在青陽祀宋魏公勝公拒金殉難立廟京口
賜葬錫山子孫由錫邑徙江陰後裔士元呈請建祠咸
豐十年燬

徐東海郡侯祠在南街翦涇橋祀明徐公公輔孝子時進
道光九年呈請捐建道光十九年呈請關查增祀按察
司廉使徐公弼咸豐十年燬今重建

徐僉事祠在馬鎮西洋里祀

江陰縣志

卷七

秩祀 祠

三

國朝陝西神木縣知縣贈按察司僉事徐公之龍乾隆二十
年四世孫宏仁建

陳烈士祠在北外五堡烈士名忠宋人從討笠墩盜遇害
宋元皆有封號明洪武二年封陳烈士之神祠在新村
宏治中知縣黃傳以巫覡托神惑眾毀之嘉靖中知縣
趙錦重建演武場右萬厯中改今地咸豐十年燬今重
建

吳義勇祠在青陽南衙祀明禦倭死難團長吳兌咸豐十
年燬今重建

周義勇祠在北外祀明義勇周蘭蘭禦海寇死事向耐陳

烈士祠乾隆八年裔孫志謙請建今燬

以上各專祠官為致祭其非官

祭而後裔奉祀者列後

先賢奚公祠在四河鎮祀奚子容蒧

先賢施公祠在大橋鎮香山北祀施子之常後裔由崇明

來江陰建祠

包孝肅公祠在文林鎮門村宋南渡時公孫欽自合肥徙

江陰建祠明季廢

國朝康熙中後裔澤等重建

周濂溪先生祠一在青陽明正統中建一在顧山亦明建

國朝乾隆初重建

江陰縣志

卷七 秩祀 祠

三

程氏兩夫子祠在舜井巷雍正中後裔建

劉屏山先生祠在夏港遞鋪祀宋儒劉公翬四世孫太常

博士廷銓居是里元時建祠歲久湮廢

國朝乾隆八年重建

朱文公祠在四河鎮雍正十年裔孫士駒請建

耿待制祠在觀山大村東祀宋煥章閣待制耿公秉明初

建後毀

國朝雍正五年重建

葛清孝公祠在青陽市南祀宋朝奉郎贈太師溫國公葛

公書思咸豐十年祠燬

邱文定公祠在四河界涇祀宋文定公密

郭教授祠在長涇陳墅祀宋軍學教授郭公庭堅後裔昌烈等建

孔公祠在祝塘鎮西莊祀宋武功大夫孔公屋

孔公祠記

國朝學政張能鱗

悟勝之有孔氏始武功大夫屋紹興間以統制守江陰軍因家焉十四傳為處士并始建聖廟又三傳為諸生與綱毓珺移建於西莊大擴舊制其堂以奉先聖祖也配以沂國宗也次配以武功大夫悟勝所自始也其廳事以集族人東廡以祀有德西廡以祀有功示勸也其田以供祭矢弗鬻器以備物矢弗假義也訪遺支之在婁者使其祀春秋聯族屬也其族姓愿樸而力田諸生好德而文以世其家司馬子長適魯過闕里見車器行策皆有先民遺風流連不忍去今天下聖道昌明士習畫一躋斯廟觀俎豆禮器畢然其有思乎豈獨聖人之

江陰縣志

卷七

秩祀祠

三

子若孫勉焉願學聖人也

徐忠壯公祠在夏港永安寺側祀宋徐公徽言公靖康初

知晉疑軍多戰功後殉金將婁室之難贈忠壯四世孫

都統制警居夏港捨宅為永安寺建祠於旁咸豐十年

祠燬今移建士偉村

徐司馬祠在綺山北麓祀明兵部尚書徐公晞

顧大理祠在青陽祀明大理寺寺正顧公琳萬曆中建後

燬

國朝雍正十二年重建咸豐十年祠燬光緒四年重建

張學士祠舊在都督坊巷祀明侍讀學士張公袞今廢其

分祠在南外迎福橋

鄉賢張公祠在青陽東街祀明鄉賢張公汝翼咸豐十年
祠燬光緒三年後裔重建

尙公祠在楊舍西門內祀明巡按尙公維持及知縣杜公
華

蔡公祠在南外端明橋南祀明兵備副使蔡公獻臣後改
駐節亭移像於後

黃義士祠在順二坊祀明蘇州衛指揮黃公鑾今祀忠義
祠專祠已廢

黃義士祠記

明王世貞

江陰縣志

卷七

秩祀祠

罕

自倭釁起嘉靖之壬子而稍息於壬戌十年之間大者
破城邑小者隴閭井其銛鏃之不施於三吳者無尺地
而三吳諸富人或兵或彘或虜或以家徙或以身竄卒
不能捐其所垂散之貲以予縣官不得已而縣官用軍
興法逮鞭箠之令嚴而後其私帑出若椎骨而監其髓
上之厲下與下之讎上明焉交相讒而疹氣作其始
也不惜割其家以腴賊而不肯為其上其既也忘賊之
毒我而不忘上之毒我於賊之後也其於道誠悖而於
計則誠拙矣無他欲蔽之也獨江陰有黃宗周翁者家
世以高貲而黃翁自儒起由邑諸生補太學上舍故通
經術講於上下之分與所為損益之大先是戊申歲未
有倭釁而翁與江陰令謀邑枕江得無為盜窺乎且城
皆土是而可坎而登也計以爲蟹之便首捐金六千身長
其南東面之役凡三百丈有奇不踰月賦畢臺使者後
先擬上翁狀翁謝曰江陰民城江陰分也而何上狀爲
乃僅得褒旌居五年而倭作且及城城以壁故堅第乏
藏粟翁乃輸兵儲粟爲石者七千而睥睨之卒旦夕餉
爲石者千賑貧民避兵爲石者二千令復議子城增於
門凡四而翁任其三願其子諸生道事板築焉至明年
丙辰倭遂傳城肉薄而攻者四十日而不破又明年丁

江陰縣志

卷七

秩祀祠

望

已天子大發兵屬尚書文華討倭責諸富人金助軍翁
 捐復七千於是尚書偕督撫牒翁為蘇州衛指揮使翁
 辭曰吳民助吳兵餉分也不可則懸其牒人謂黃翁是
 牒不當翁捐十之一豈其以浮取故而避之翁不答而
 謂道曰是牒者尚書餌也且鈞我我橐懸罄矣尚書果
 欲悉卷翁餘貲不得起獄以窘翁而奪其牒始翁之為
 家也阜帽布衣徒步斤斤然食不再肉從不累僕無園
 池器用妾御聲酒之好諸富人竊笑之曰是夫也殆為
 人積者也既翁之為縣官捐米者前後萬石金萬四千
 而富人益笑曰夫夫果其為人積者哉翁卒而諸城居
 者稍稍追歎曰微黃翁吾儕其不肉倭也而臺使監司
 行部者得其事顧謂江陰台微夫人之力與倭其此城
 矣於是其富人亦伏而相與謀立祠於翁里以示報翁
 不肖乃以先人故勞費我諸父兄請竭不腆之裝而為
 家祠以姑答我邑大夫與諸父兄指乃即居之左為祠
 肖翁像於中而以媪趙配謂翁之得成其業與志皆媪
 力也落成而道率其弟子諸從孔明祀事則鄉之人橐
 榼醑酹而來拜曰是無以報黃翁萬一請歲歲無廢伏
 臘太宰劉公聞而嘉之為顏其楣曰崇功報德而道益

謝不敢當日先人業不仕僅引邑人分毀家而扞諸父

兄弟所任功亦毋所任德顧謂不佞其為我記成事而

已不佞乃言曰知禮哉道也夫所謂法施於民能扞大

患者其於黃翁祀固當然此皆請之天子下禮官議報

可而後行夫家祀不及鄉鄉祀不及國道以國人鄉人

之指而約之僅從家人禮庶幾其有永哉因記其事授

道刻之石翁諱鑿卒之年七十有二道博學為諸生數

舉不得志改尚書禮部史當有官厭而游江湖間有歌

詩人人稱之予善

雙節祠在桃花大闕村東嶽廟西祀元漳州府知事闕公

文興暨夫人王氏祠圯咸豐元年庠生金相里人許以

南等集貲復建知縣陳懋藹記之十年祠燬

復建雙節祠記 知縣 陳懋藹

余蒞任江邑已逾半載公務之暇畱心察訪有關忠義

節烈等事尤足風世勵俗亟為闡揚而表彰之如邑西

大關里之雙節祠其忠烈為最著者祠蓋為闕侯夫婦建也公諱文與字克武元初為漳州府知事至元十八年陳弔眼盜起攻漳州侯竭力捍城經數十戰沒於陣也夫人王氏被掠義不受辱給賊曰侯吾葬夫後即汝從也賊許之乃得負屍還積薪焚之火熾自投火死元正統二年封文興為英烈侯王氏為貞烈夫人敕建祠額曰雙節歷年既遠破宇僅存鄉之人士余詢之曰侯仕元義南倡義重建事將告竣請余記之余詢之曰侯仕元義距今五百七十有餘年夷考元史夫余詢之曰侯仕元義不詳其里居易為廟食茲土其略可得聞乎乃始述其顛末曰侯夫婦殉節事俱見同里徐莊橋王氏譜大略與史合符按譜載建康王格女淑英適江邑永陵鄉闕文興俱沒漳州立祠於本鄉祀之今大關東嶽廟即其地也元末張士誠之亂祠燬於兵後人即其遺址改建東嶽行宮事越兩朝而嶽廟西側尚存破宇一所廟之實生長於此某等不忍其終廢爰合諸同志俞謙戴丙魏許天德劉鈞劉衡金之銘陳觀光龔理常李紀鶴惲惟信井玉田集費鳩工經始於咸豐元年二月十四日迄今落成祠宇三進前楹一中後各四夾以廊廡六不

江陰縣志

卷七

秩祀祠

聖

惟英靈得所棲止將使百世之下瞻仰其廟靡不肅然居敬願乞一言以垂於來世余應之曰然是誠義舉也忠臣殉國烈婦殉夫二者兼之祠名雙節洵足風世厲俗既詢知侯籍江邑永宜廟食茲土闡揚而表彰之是則守土之職也諸公好義重建例得附名不朽乃不辭而為之記

敕建忠義祠在中街節孝祠東同治六年建祀殉難官紳兵弁士

庶計屋九間知縣顏榮階汪坤厚相繼捐撥紳商及後汪坤厚并撥璜塘田十畝眾姓捐出六十四畝有奇以作歲修等費綺山長壽華墅長涇祝塘青場前周丁野各祠附

江陰縣志卷之七終

